

## **5. juni 2015-imi nal. 17:45 Naalakkersuinikkut Ataqtigiissaarisooqatigiinni ataatsimiinneranit imaqarniliaq.**

Naalakkersuisunit peqataasut:

Naalakkersuisut Siulittaasuut Kim Kielsen

Aningaasaqarnermut Naalakkersuisooq Andreas Uldum

Ineqarnermut, Sanaartornermut Attaveqarnermullu Naalakkersuisooq Knud Kristiansen

Ilaqutariinnermut Naligiissitaanermut Isumaginninnermullu Naalakkersuisooq Martha Lund Olsen

Ilinniartitaanermut, Kulturimut, Ilisimatusarnermut Ilageeqarnermullu Naalakkersuisooq Nivi Olsen

Pinngortitamut, Avatangiisinut Inatsisinillu Atuutsitsinermit Naalakkersuisooq Mala Høy Kuko

Kommuninit KANUKOKA-miillu peqataasut:

Kommune Kujallermi borgmesteri Jørgen Wæver Johansen

Kommuneqarfik Sermersuumi borgmesteri Asii Chemnitz Narup

Qeqqata Kommuniani borgmesteri Hermann Berthelsen

Qaasuitsup Kommuniani borgmesteri Ole Dorph

KANUKOKA-mi siulittaasoq Palle Jerimiassen

Aqutsisoqarfimmiit peqataasut:

Naalakkersuisut Siulittaasuata Naalakkersuisooqarfimmi pisortaagallartoq Søren Hald Møller

Naalakkersuisut Siulittaasuata Naalakkersuisooqarfimmi pisortaq Mininnguaq Kleist

Naalakkersuisooqarfimmi pisortaagallartoq Peter Hansen

Naalakkersuisooqarfimmi pisortaagallartoq Julie Præst Wilche

Naalakkersuisooqarfimmi pisortaagallartoq Mikael Kristensen

Naalakkersuisooqarfimmi pisortaagallartoq Mette Skaaregaard Pedersen

Nunamut namminermit Immikkoortortaqarfimmi pisortaq Hans-Erik Bresson

Nunamut namminermit Immikkoortortaqarfimmi allaffimmi pisortaq Marianne Petersen, imaqarniliortoq

Nunamut namminermit Immikkoortortaqarfimmi immikkut siunnersorti Leif Scharling

Nunamut namminermit Immikkoortortaqarfimmi allaffimmioq Nuka Bjørn Heilmann

Kommune Kujallermi kommunip pisortaa Frank Hedegaard Jørgensen

Kommune Kujallermi Aatsitassanut Ikummatissanullu pisortaq Keld Jensen

Kommuneqarfik Sermersuumi kommunip pisortaa Steffen U. Lynge

Qeqqata Kommuniani kommunip pisortaa Paneeraq Olsen

Qaasuitsup Kommuniani kommunip pisortaa Hans Eriksen

KANUKOKA-mi pisortaq, Hans-Peder Barlach Christensen

Kommuneqarfik Sermersuumi aningaasaqarnermut pisortaq Lars Møller Sørensen

Kommuneqarfik Sermersuumi attaveqartarnermut siunnersorti Lars Damkjær

## **Oqaluuserisassat:**

- 1. Oqaluuserisassat akuerineqarnerat ilisimatitsissutitullu imaqarniliaq (ilanngussaq 1)**
- 2. Immikkoortut akuerisassat**
  - 2.1. Nutaamik naligiissaareriaatsimut nutaamik ilusiliussassaq (ilanngussaq 2)
- 3. Immikkoortut ilisimatitsissutit**
  - 3.1. 2016-imut ataatsimut tapiissutit (ilanngussaq 3)
- 4. Pisortat suliassaqarfiat pillugu ataatsimeersuareermermi pisariaqarpat iliuseqarnissaq**
- 5. Tamalaat**

### **Pillugu 1. Oqaluuserisassat akuerineqarnerat ilisimatitsissutitullu imaqarniliaq (ilanngussaq 1)**

Naalackersuinikkut ataqatigiissaarisoqatigiit ullormut oqaluuserisassat akuersissutigaat ilisimatitsissutissatullu kingullermik ataatsimiinnermi imaqarniliaq ilisimatitsissut tusaatissatut tigullugu.

### **Pillugu 2.1. Nutaamik naligiissaareriaatsimut nutaamik ilusiliussassaq (ilanngussaq 2)**

Andreas Uldumip ilisimatitsissutigaa, paasissutissat saqqummiunneqartut siunissamilu kommunit aqqissuussaanaannut nalorninartorsiorneq pissutigalugit, iluserititassat saqqummiunneqartut naligiissarinissamut atorneqarnissaannut naliliisoqarnissaa periarfissaqanngitsoq.

Taamaattumik paasissutissat saqqummiunneqartussat pitsaanerusut tungaannut maannakkut naligiissarinermut tunngaviutinneqartut saqqummiunneqartut siunissamilu kommunit aqqissuunneqarnissaasa qulaarneqarnissaasa tungaannut ingerlatiinnarneqassasut.

Borgmesterit tamarmik tamatuminnga naammaginninginnertik erseqqissaatigaat. Erseqqissaatigineqarpoq, nutaamik naligiissarinissamut aqqissuussinermik suliaqarnermi nukippassuit piffissartornerlu atorneqarsimasut.

Andreas Uldumip Kim Kielsenillu aalajangiinertik aalajangiusimaannarpaat. Oqaloqatigiinnerit akunnerup ataatsip missaanik sivissussuseqarpoq.

### **Pillugu 3.1. 2016-imut ataatsimut tapiissutit (ilanngussaq 3)**

Naalackersuinikkut ataqatigiissaarisoqatigiit ilisimatitsissut tusaatissatut tiguaat.

#### **Pillugu 4. Pisortat suliaasaqarfiat pillugu ataatsimeersuareernermi pisariaqarpat iliuseqarnissaq**

Naalackersuinikkut ataqatigiissaarisoqatigiit aalajangiiffigaat, ataatsimeersuarnerup nalaani oqaloqatigiinnerit saqqummiussallu atorfilittat suliaralugit nangissagaat, Naalackersuinikkullu ataqatigiissaarisoqatigiit tullianik ataatsimiinnissaanni saqqummiullugit.

#### **Pillugu 5. Tamalaat**

”Suliffissaaleqisunut immikkut ittumik iliuseqarneq”-mut aningaasaliissutit atornerarnerat pillugu ilisimatitsissut aamma ”Biilnut misileraasarfik pillugu ilisimatitsissut” tunngaviusutut ilisimatitsissutit Inuussutissarsiornermut Naalackersuisoq Vittus Qujaukitsoq-mit tunniunneqarpoq.

Asii Chemnitz Narupip ilisimatitsissutigaa, naligiissaareriaatsimik oqaluuserinninnissamut Naalackersuisut oqaluuserinninnissamut aggersarneqarunik tamanna sioqqullugu kommunalbestyrelsimik oqaaseqaammik tunniussissalluni pilersaartoq.

Hermann Berthelsenip oqaatigaa, tusagassiorfinni atuarneqarsinnaasoq, kommuninit ikinnerusunik Namminersorlutik Oqartussani atorfinitsitsisoqartoq, erseqqissaatigalugulu tamanna paarlantasariaqaraluartoq.

Andreas Uldumip akissuteqaatigaa, akisussaassusilimmik ingerlatsinerup qularnaarniarlugu Ombudsmandimiit tikkuussinerup kingorna Ilaqutariinnermut naalackersuisoqarfik sinerissami ullup unnuarlu paaqqinnittarfinni amerlanerusunik atorfeqartitsilersimammat.

Kim Kielsenip TB pillugu pissutsit aammalu meeqqat inuusuttullu kinguaassiutimikkut atornerlugaasartut amerliartorneri erseqqissaatigai. Namminersorlutik Oqartussat kommunillu akornanni suliaasaqarfimmi suleqatigiittoqarnissaa pisariaqarpoq.

Ole Dorph-ip apeqqutigaa, suliffissaaleqinerup akiorneqarnissaanut aningaasanik amerlanerusunik peqartoqarnersoq, suliffissaaleqineq pissutigalugu inuuniarnikkut angummanniartut kommunimi taamaattut amerlasuujummata.

Kim Kielsen erseqqissaatigaa, sinerissami nammineq illuliarisartakkat siuarsarniarlugit iliuseqartarneq aallartinneqartoq. Sinerissami unammilligassarpassuaqarpoq. Andreas Uldumip ilisimatitsissutigaa, ”Suliffissaaleqisunut immikkut iliuseqarnissamut” aningaasaliinissamut piviusunngortitsinissaq pillugu allakkiaq Inuussutissarsiornermut Naalackersuisumiit tunngaviusutut ilisimatitsissutit tunniunneqarsimasoq ajornartorsiutaasoq sammillugu suliarineqarmat.

Jørgen W. Johansenip ilisimatitsissutigaa, Aningaasanut inatsisissap akuerineqarneranut atatillugu Inatsisartut oqaasertaliussami konto72.10.16-imi akuersissutigisimagaat, inissiani attartortittakkani ineqarnermut akiliut siunissami allatut naatsorsorneqarsinnaanera, tassalu illuutinik piginnittumut aningaasaliissutaasimasunit, tamannalu kommuni kujalliup periarfissaq tamanna atorniarumaaraa ukiup nutaajusunit.

Naammassivoq 18:14